



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1729. usque ad annum 1731

Fleury, Claude

August. Vind. [u.a.], 1785

VD18 13322648

§. 22. Vratislaviensis controversia de Baptismi necessitate.

[urn:nbn:de:hbz:466:1-67677](https://nbn-resolving.org/urn:nbn:de:hbz:466:1-67677)

Sæc. XVIII.
A. C. 1729. tentibus eludebant. Nempe, sibi solis
semper, nunquam autem Catholicis
tolerantiæ beneficium impendi deside-
rant, id suadente Calviniana charitate.

§. XXII.

*Vratislaviensis controversia de Baptis-
mi necessitate.*

Hoc item anno die duodecima Aprili-
lis Joannes Antonius Comes de
Schaffgotsch supremæ Silesiensis Curie
Præfectus edictum edidit, vi cujus Vo-
laviensis Regiminis Administris præ-
ceptum, ut Lutheranis, qui ibidem
Anno 1709. ex Altrandstadiensi pacto
suxæ sectæ Ecclesiam aperuerunt, ex-
probarent corruptelam, qua infantes
non ex integro natos sacro Fonte tin-
gere neglexerunt, & tam hos, quam
ceteros sine Baptismo decedentes,
publice & cum cantu, ac campanarum
sonitu inter alios Baptizatos sepultura
donarunt, causati, id suæ Religionis
dogmatibus non modo esse consonum,
sed & præceptum: Cum autem nec in
Confessione Augustana, nec in ejus
Apologia & concordie libro hunc usum
esse præceptum, sed potius contrarium
fuisse statutum constaret, ea propter
Volaviensibus Administris injunctum
est, ut Prædicantibus præciperent,
qua-

quatenus hi intra quindecim dierum Sæc. XVIII.
 terminum ex S. Scriptura docerent, A. C. 1729.
 quo jure ipsi infantibus non integre na-
 tis, etsi sacra lymphæ in præcipua parte
 tangi potuissent, Baptismum necessi-
 tatis denegarint, aliosque sine Baptis-
 mo mortuos palam & cum solemnitate
 terræ mandari curarint: Ad hoc vero
 Prædicantes responderunt, Fridericum
 Bechmanum casu XXI. ex Luthero pro-
 bare, quod infantes ex parte, & non
 ex toto geniti non baptizentur, id conso-
 num esse S. Literis, ibidem enim ad
 Tit. 3. v. 5. Joan. 3. v. 7. haberi, quod
nisi quis renatus fuerit &c. non ergo juxta
 S. Aug. ep. 57. ad Dard. & Isid. l. 1. de
 summo bono c. 4. *renasci posse infantem,*
antequam natus esset, infantem autem
 non esse natum, si duntaxat unica ejus
 pars promineat, Augustanam quidem
 confessionem art. 9. docere, *Baptismum*
esse necessarium ad salutem, id tamen non
 intelligi de necessitate absoluta, sed
 ordinaria; infantes tamen ejusmodi sine
 Baptismo decedentes salvari, quia
 1. non sunt contemptores Baptismi,
 contemptum autem, ut ait Bernardus
 ep. 57. Sacramenti, non privationem
 damnare 2. quia per preces parentum
 & Ecclesiæ Deo offeruntur. 3. Quia
 de benevolæ Dei erga ipsos affectu ex-
 stant promissiones Gen. 17. v. 7. Matth. 18.
Hist. Eccles. Tom. LXXIII. G v. 14.

Sæc. XVIII. vers. 14. Marc. 10. v. 14. Joan. 6. v. 37.
A. C. 1729. 4. Quia Christus infantum adhuc in
 utero clausorum Salvator est. 5. Quia
 Deus ad media ordinaria non est alligatus, sed extraordinarie in commo-
 dum infantum agere potest. 6. Quia
 Infantes Israelitici ante circumcisionem
 mortui salvabantur. 7. Quia latro in
 Cruce, Martyres, Catechumeni sine
 Baptismo salutem consecuti sunt. 8.
 Quia Christus quidem dixit: *Qui cre-*
diderit & baptizatus fuerit &c. non au-
 tem addidit: *Qui non crediderit, nec*
Baptizatus fuerit, damnabitur. Id
 quoque probari ex S. Thoma p. 3. q. 68.
 art. 2. *Pueri, inquit, in uteris matris*
non possunt subjici actioni humane, ut Sa-
cramenta recipiant, possunt tamen subjici
actioni Dei, idem testari Gersonem serm.
de Nat. Mariæ, Suarezium tom. 3.
p. 190. Tannerum tom. 4. Theol. disp. 4.
q. 3. dub. 1.

Frivolas horum rationes Catholici
 nullo negotio confutarunt, observan-
 tes, eos in sui abusus præsidium non-
 nisi Lutherum, Gerardum, Bechma-
 num &c. quorum tamen testimonium
 in re tanti momenti nullius fidei esset,
 allegasse, nil tamen ex S. literis pro-
 basse, cum tamen ipsi nil credant,
 nisi quod clare in S. literis continere-
 tur: falso etiam adduci D. Thomam
 ad

ad 4. cum hic diserte dicat, *subjectum* Sæc. XVIII.
Baptismi esse etiam nondum baptizatum, A. C. 1729.
qui tamen potest in corpore suo tangi aqua
baptismali: Ineptam quoque esse illa-
tionem ex textibus S. Scripturæ extor-
tam, sicut enim infans cum toto cor-
pore ex utero prodiens, absolute na-
tus, & capax est regenerationis, ita
& infans natus secundum quid est na-
tus simpliciter, proin capax regenera-
tionis: nec ad extraordinaria remedia,
præsentibus ordinariis esse recurren-
dum, extraordinarium autem, & nun-
quam factum esse, ut Deus in lege gra-
tiæ, in qua Baptismus est remedium
ordinarium, parvulum extra Marty-
rium sine Baptismo salvarit, verba igitur
S. Augustini & Isidori intelligenda
esse de iis, qui nequidem secundum
aliquam partem nati sunt, futilem au-
tem esse distinctionem inter necessita-
tem absolutam, & ordinariam Baptis-
mi, ubi verba Joannis 3. v. 5. absolute
statuunt, neminem posse in Regnum
Dei introire, nisi renatus fuerit ex a-
qua, & Spiritu Sancto. Bernardum au-
tem loqui de contemptu adultorum,
de infantibus autem ibidem asserere,
eos, si absque Baptismi perceptione morian-
tur, salutem non consequi: nec ullo S. Scri-
pturæ textu probari, quod infantes,
si per preces Parentum & Ecclesiæ
G 2 Deo

Sæc. XVIII. Deo offeruntur, sine Baptismo salven-
 A. C. 1729. tur; sicut ergo vi pacti Gen. 17. v. 7.

& 10. & 14. promissionum Divinarum non erant capaces incircumcisi, ita Regni Divini non sunt capaces, nisi Baptizati; Baptismus enim successit in locum circumcisionis: perperam autem inferri, 1. Christum esse Salvatorem infantum in utero clausorum, ergo sine Baptismo salvantur, sicut male ita inferretur: Christus est Salvator omnium hominum, ergo omnes sine bonis operibus salvantur. 2. Deum mediis ordinariis juxta Gersonem non alligatum *posse* infantem sine Sacramento sanctificare, ergo actu *sanctificat*. 3. infantes Israeliticos ante circumcisionem mortuos esse salvatos, S. Literis non esse consonum. 4. Male inferri, aliquos sine Baptismo fluminis, per Baptismum fluminis aut sanguinis fuisse salvatos, ergo infantes, cum Baptismum suscipere possent, sine Baptismo fluminis salvantur.

Ineptam quoque esse argumentationem ex textu Marci 16. v. 16. sequeretur enim, adultum posse salvari vel sola fide sine omni Baptismo, quod est Calvinianum, vel salvari solo Baptismo, quod est contra Apostolum Hebr. 11. v. 6. vel requiri simul fidem & Baptismum, tunc autem necessario sequi, infan-

infantem sine Baptismo salvari non posse, veram ergo esse antithesin hanc, qui *non crediderit, aut non baptizatus fuerit, condemnabitur.* Sæc. XVIII.
A. C. 1729.

Ponderatis utrinque rationibus Silesiensis Curiae Præfectus die decima quarta Septembris Anno 1731. ad Volavienses edictum transmittit, vi cuius Lutheranis Obstetricibus injunctum, ut infantibus ex integro non natis, si pars sacro fonte ablui potest, Baptismum conferant, eoquod nec ex Confessione Augustana, nec ex ejus apologia vel libro Concordiæ constet, id Lutheranis esse prohibitum.

§. XXIII.

Ordo Equestris S. Georgii a Carolo Alberto Bavarix Electore restauratus.

Sub idem tempus Carolus Albertus Bavarix Elector Monachii Ordinem Equestrum sub tutela S. Georgii ad defensionem immaculatæ Conceptionis B. V. M. a suis Majoribus institutum & postea injuria temporum, bellorumque intermissum, annuente summo Pontifice, cujus Breve Apostolicum Scarlatus Abbas detulerat, restauravit, eumque pluribus, iisque amplissimis privilegiis auxit: Statuta illius erant præcipua,